

# LETRO INTERNACIONA

(Revueto transfrontiera – Organo dil stabilismala skolo)

N° 5 Septembro – Oktobro 2001.  
Aparas ye singla duesma monato.  
Yarala abono-preco : Francia 20 franki (3,05 euri).  
Altra landi : 5 internaciona respondo-kuponi o banko-bilieto ye 5 euri.  
Redaktero : Jean Martignon, 12, rue Maurice Utrillo F-91600 Savigny sur Orge – Francia  
elektronika adresi (e-mail) jeanmartignon@minitel.net e  
martignonjean@wanadoo.fr

VORTO DAL REDAKTERO

*Quale on povas remarkar ol, la prizento di "Letro Internaciona" modifikesas. Me esperas pokope aspektigar plu bele e plu rationale mea mikra revueto. Me deziras anke ameliorar la kontenajo por ofrar a l'Idistaro, segun mea posiblesi, valoroza kulturala jurnaletto. Me esforcos plubonigar lo existanta ed atingar alta literaturala nivelo por furnisar al Idisti materiajo skope evidentigar la literaturala realeso di lia idioma.*

DIVERSAJI : (Trauro) Mea matro savigis recente a me pri la morto di nia amata katineto Pimpinela (1987-2001). Ica informajo laceris a me la kordio, nam me amis Pimpinela quaze infanteto. El esis tre ludema ed afabla quale yun animalo, vera mikra persono. Me deziras ad el felica ed agreabla sejourno en la paradizo dil animali.

(MESAJO DAL DALAI LAMA) Quik pos la katastrofo en Manhattan, Lua Santeso la Dalai Lama sendis mesajo a la prezidanto di Usa. Yen, lua kontenajo :

*La teroriganta eventi okurinta ye la mardio 11ma septembro emocigis ni omna profunde. Mili de inocenta personi mortis postlasante familii ruptita per la chagreno e mondo paralizata per la shoko. Dum ke Afganistan sempre plu minacante cirkondesas e ke Usa preparas su replikar, la Dalai Lama ipsa rekomendas la ne-violentemeso. Quale omna Statestri, il turnas su a la Usani ye la nomo dil Tibetana popolo por kondolar li ed advokar pri reflektio : "Me kredas personale ke ni devas reflektar serioze kad violentoza ago kom repliko esas justa facenda kozo por la maxim grand intereso dil naciono ed olta di la populani en la perspektivo di longa periodo."*

*Me opinionas ke violento nur kreskigos la ciklo dil violento. Ma quale vivar kun la odio e la iraco, qui esas, ofte, la kauzi di tante dementa violento ? Ico esas tre desfacile respondebla questiono, precipue kande ol koncernas naciono, e ni havas ula idei pri la maniero traktar tal ataki. Me esas certa ke vu juste rezolvos. Kun mea pregi ed amikala saluti, tre sincere, La Dalai Lama.*

NOVAJI PRI ATLANTIDA : Recente me trovis lektindajo pri la mitala kontinento od insulo nomizita Atlantida en la libro "LA GLACIALA KOSMOGONIO" da H. Hörbiger publisita poka tempo ante la unesma mondo-milito. Yen ica texto :

LA SEN-SATELITA ERO. ATLANTIDA.

Pos ke la anciena satelito, la kauzo di la grava eventi geologiala, esis destruktita e

pardevorita da Tero, nia planeto esis sen satelito dum longa tempo. Multa primitiva populi tradicionas la memoro a ta ero sen-satelita. E la historio mem pruvas ol. Esas konstatita ke olim la homi acensis la monti por eskapar ula fluxego; plu tarde li decensis itere a la planaji. En la longega ero sen-satelita la homi sucesinta eskapir la periso, ripropagis su cirkum la tota Ter-globo. La oceano ne plus esis kontraktata a la equatoro da satelito. Do, multa parti di Tero rikovrita en nia dii per maro, lore emersis ofrante su a la dispono di la homaro.

Tala Tero-parto esas Atlantida, la mitala kontinenta ponto inter Amerika ed Europa. Ankore la Egiptiani Antiqua (raportis) ke li militis kontre la richa habitanti di Atlantida, til ke en sturmoza nokto la maro tote devoris la enemika lando. Kande to eventis ? Ri-imaginez la sizo di planeto : Mikra planeto proximeskis a la granda c.e. Tero. Lore, dum multa yarmilioni, ita planeto aspektis cirkume tam granda kam Marso presente. Proximeskante kun acelerita rapideso lu semblis gradope plu granda. Fine la terala atrakto tote dislokis lu ek lua orbito. Perdante sua autonomeso, ta ex-planeto jireskis cirkum Tero. Ica rihavis satelito, la prezenta, nome Luno. La oceano defluante la poli formaceskis la permananta fluxo-zono prezenta cirkum la equatoro. E lore Atlantida perisis, sinkante sub la nivelo di Atlantiko, quon memoris ankore generacioni di la autentika historio.

*E nun, texto plu autentike ciencala da nia samideano R.A STEVENSON*

#### NOVA REVELADI PRI ATLANTIDA

*Segun la ciencisto Jacques Collina-Girard che la Universitato di la Mediteraneo en Aix-en-Provence, la homala populi, 19 000 yari ante nun cirkume, povis voyajar inter Nord-Afrika e la Iberiala peninsulo per "ponto" konsistanta ek insuli di arkipelago, lore atingebla. Pro la efekto di la Glaciala Epoko, la nivelo di l'oceano plubaseskis ye cirkume 130 m, e plusa insuli aparis. La filozofo Platono (qua mortis ye 348 a.K.) en sua skribajo "Timaeus e Critias" deskriptis la perdita lando di Atlantida quan on trovas nemediate exter la "Koloni di Herkulo" (nunepoke la Stretajo di Gibraltar).*

*Segun legendo, ca misterioza lando desaparitis pos grandega volkan-erupto qua samatempe destruktis la populi kun tre progresinta kulturo. Tamen Jacques Collina-Girard asertas ke en la exakta loko ube Platono deskriptis Atlantida on trovas insulo "Spartel" stacanta super la maro ye cirkum 11 000 yari ante nun. Kande la glacio fuzesis, l'aquo pluulteskis, posible ye du metri dum yarcento, e balde Spartel droneskis kun la habitantaro.*

*L'insulo Spartel vere desaparitis, ma la raportajo pri volkan-erupto esas forsan nejusta e pluse, Platono agnoskas ke la periso di supera kulturo esas rakonto quan il adjuntas. La vera grandeso di Spartel (14 km de longeso e 5 km de larjeso) esas mikra kompare a la grandeso en tradicionala raportis, (ol egalesis a Libia plus Azia).*

*Fakte la fino di Atlantida eventis 9 000 yari ante Platono, do il sendubite lektis naraci di anciena Egiptia e Grekia. Me kredas ke la historio di Atlantida inkluzas altra eventi, exemple la frequa erupti en la mediteraneala regiono, qua destruktis la insulo Thera e la civilizo dil Minoani. La deskonkordo pri la grandeso di Spartel e di Atlantida esas forsan pro la nejusta transformo de Egiptala a Grekala dimensionis di longeso.*


R.A. Stevenson (Nova Zelando)





# LA MISTERIOZA STELO

Un Semano pose...






Yen ube ni esqs. Ni transiris la 72ma paralelo. Tu perchas nur en Zono jekanta inter la 73ma e 78ma paraleli.



Precipue eseq prudenta: Obedez strikte mia impero



E ne ofiviez ke ni mantenos radiotelefonala relati. Nun me deziras a Via bona Fortuno.




Yen li departis... Esperinde me evitios desfortuno 40 a li.




Hia lo? Yes, ka vi trovis ulo? Ka Aerolito?

Stranja fenomeno. De aparto punto elevas kolono lde blanka nubi...





Yen extraordinario! Si vidas kolono de nubi. Rapide! Me volas parolar!



Hike parolas Pro Kalyn! Dices kad esas/altra nubi en la cielo?




Esas ito! Si deskovris la aerolito!



Atencez! La aparati!..



Excuzez! Me oblivius do esas l'aerolito qua produktis la kolono de nubi.



La kalorizi ta iaguo elektisio vaporo de pose nubi.




Ha lo? Ha lo? Mea filii, vi deskovris la aerolito!



Ha lo? Ha lo? Si ne plus respondas!




Dices kapitano, kad ica fili me devas funtasar al alo? Ye Kosovo-tombro! Oli es deshgita. Ni mustas reparar.



Yen, lo es itere en ordino.



Ha lo? Ha! Retrovenez. La nubi produktis dal aerolito. Via komiso finis.



Konsentite, ni retrovenas



Regardez ibe!..



Ha lo? Yes? Ka fumuro? Fumuro di navo? Ad ibe?